

宋
名
家
詞

空同詞

目錄

月華清 一調

水龍吟 一調

驀山溪 一調

齊天樂 一調

菩薩蠻 二調

踏莎行 一調

瑞鶴仙 一調

浪淘沙 一調

南柯子 一調

永遇樂 一調

謁金門 一調

菩薩蠻 一調

阮郎歸

一調

行香子

一調

鷓鴣天

一調

清平樂

一調

空同詞目錄

終

空同詞

宋 洪璚

月華清

春夜
對月

花影搖春蟲聲吟算九霄雲幕初捲誰駕冰蟾
擁出桂輪天半素魄映青瑣窗前皓彩散画闌
干畔凝眄見金波滉漾分輝鵲殿 況是風柔
夜暝正燕子新來海棠微綻不似秋光只照離
人腸斷恨無奈利鎖名韉誰爲喚舞裙歌扇吟

空同語

汲古閣

玩怕銅壺催曉玉繩低轉

水龍吟

追和晁次膺

經年不見書來後期杳杳從誰問梅英蠟小柳
枝金嫩豔陽春近羅幙風柔泛紅浮綠連朝花
信念平生多少情條恨葉鎮長使芳心困可
是風流薄命鏡臺前鬆鬆蟬鬢茜桃凝粉黛蘭
漲膩翠愁紅損縱使歸來燈前月下恐難相認
卷重簾顚顚殘粧淚洗把羅襟搵

驀山溪

憶中都

潮平風穩行色催津鼓回首望重城但滿眼紅
雲紫霧分香解佩空記小樓東銀燭暗繡簾垂
昵昵凭肩語關山千里垂柳河橋路燕子又
歸來但惹得滿身花雨彩箋不寄蘭夢更無憑
燈影下月明中魂斷金釵股

齊天樂

閨思

轆轤聲破銀床凍霜寒又侵鴛被皓月疎鐘悲

風斷漏驚起画樓人睡銀屏十二歎塵滿絲簧
暗消金翠可恨風流故人迢遞隔千里相思
情緒最苦舊歡無續處魂夢空費斷雁無情離
鸞有恨空想吳山越水花顚玉頰但翠黛愁橫
紅鉛淚洗待剪江梅倩人傳此意

菩薩蠻

宿水

斷虹遠飲橫江水萬山紫翠斜陽裏繫馬短亭
西丹楓明酒旗浮生長客路事逐孤鴻去又

是月黃昏寒燈人閉門

又

湖上

吳姬壓酒浮紅蟻少年未飲心先醉
駐馬綠楊陰酒樓三月春相看成一
笑遺恨知多少回首欲魂銷長橋
連斷橋

踏莎行

別意

滿滿金盃坐坐玉筯離歌不放行人去
醉中扶上木蘭船醒來忘却桃源路
帶綰同心釵分

一股斷魂空草高唐賦秋山萬疊水雲深茫茫
無著相思處

瑞鶴仙

離筵
代意

聽梅花吹動涼夜何其明星有爛相看淚如霰
問而今去也何時會面囟囟聚散恐便作秋鴻
社燕最傷情夜來枕上斷雲零雨何限因念
人生萬事回首悲涼都成夢幻芳心繾綣空惆
悵巫陽館沉舩頭一轉三千餘里隱隱高城不

見恨無情春水連天片颿似箭

浪淘沙

別意

花霧漲冥冥欲雨還晴薄羅衫子正宜春無奈
今宵鴛帳裏身是行人別酒不須斟難洗離
情絲鞘如電紫騮鳴腸斷画橋芳草路月曉風
清

南柯子

新月

柳浪搖晴沼荷風度晚簷碧天如水印新蟾一

罇清光斜露玉纖纖
寶鏡微開匣金鈎半押
簾西樓今夜有人忺
應傷粧臺低照画眉尖

永遇樂

送春

歌雪徘徊夢雲溶曳
欲勸春住薄倖楊花無端
杜宇抵死催教去
參差煙岫千回百匝
不解禁春
歸路病厭厭
那堪更聽小樓一夜風雨
金釵鬪草玉盤行菜
往事了無憑據
合數松兒分香帕子
總是牽情處
小桃朱戶題詩在否
尚憶

去年崔護綠陰中
鶯鶯燕燕也應解語

謁金門

春晚

風共雨催盡亂紅飛絮
百計留春春不住
杜鵑聲更苦
細柳官河狹路
幾被嬋娟相誤
空憶墜鞭遺扇處
碧窗眉語度

菩薩蠻

春感

玉琴不療文園病
對花長抱深深恨
恨入鬢霜
邊才情輸少年
蛾眉梳墮馬翠袖
熏蘭麝醉

夢未全醒綠窗啼曉鶯

阮郎歸

壬辰邵武
試燈夕

東風吹破藻池水清光開五雲綠情紅意兩逢
迎扶春來遠林花豔豔玉英英羅衣金縷明
鬧蛾兒簇小蜻蜓相呼看試燈

行香子

代
贈

楚楚精神楊柳腰身是風流天上飛瓊凌波微
步羅襪生塵有許多嬌許多韻許多情 十年

心事兩字眉
婚問何時真箇行雲秋衾半冷窗
月窺人想爲人愁爲人瘦爲人顰

鷓鴣天

情景

意態嬋娟画不如
瑩然初日照芙蓉
笑捐瓊佩遺交甫
肯把文梭擲幼輿
花上蝶水中鳧
芳心密意兩相於
情知不作庭前柳
到得秋來日
日疎

清平樂

漁父

陣鴻驚處一網沈江渚落葉亂風和細雨撥棹
不如歸去 蘆花輕汎微瀾蓬窗獨自清閒一
覺遊仙好夢任他竹冷松寒

叔嶼自稱其詞密先單稱其不減周美成

如喜子又歸本但恐已滿身花雨又花正繁如

中惠芳心密至而如等語尤覺驚為耐惜

不多見然讀空同詞一卷其家遊金瓶、玉堂

而攬攝施之袂真花蕊之錄、之但卷尾清字

樂一闋是連可久作可久十二歲時其父携兒
遊曲肱適有漁父過前翁陞祠授筆一不成
四座歎服後果而江湖曰道之士何竟混入
耶海寧毛夢綬

空同詞

介菴詞

目錄

醉蓬萊

一調

滿江紅

三調

水調歌頭

二調

瑞鶴仙

二調

朝中措

六調

新荷葉

三調

看花回

二調

芰荷香

一調

垂絲釣

二調

謁金門

八調

柳梢青

三調

好事近

八調

點絳脣

五調

秦樓月

二調

阮郎歸

三調

減字木蘭花

六調

鵲橋仙

四調

菩薩蠻

五調

蝶戀花

二調

琴調相思引

一調

杏花天

二調

浣溪沙

六調

虞美人

三調

南鄉子

三調

畫堂春

二調

滴滴金

一調

青玉案

一調

沙塞子

一調

臨江仙

二調

鷓鴣天

三調

清平樂

二調

眼兒媚

一調

永遇樂

一調

訴衷情

二調

千秋歲

一調

風入松

一調

茶瓶兒

一調

祝英臺近

一調

五綵結同心

一調

瑞鷓鴣

一調

月中桂

一調

滿庭芳

一調

水龍吟

一調

如夢令

二調

介菴詞目

二

汲古閣

蕊珠閣

一調

念奴嬌

一調

憶少年

一調

思佳客令

一調

惜分飛

一調

絳都春

一調

小重山

一調

隔浦蓮

一調

賀聖朝

一調

念奴嬌

一調

點絳脣

一調

轉調踏莎行

一調

瑞鶴仙

一調

看花回

一調

好事近

一調

賀聖朝

一調

浣溪沙 二調

菩薩蠻 一調

眼兒嬌 一調

江城子 一調

西江月 一調

千秋歲 一調

虞美人 二調

瑞鷓鴣 一調

豆葉黃 一調

念奴嬌 一調

水調歌頭 一調

臨江仙 一調

喜遷鶯 一調

鷓鴣天 十一調

介菴詞目錄終

介菴詞

宋 趙彥端

醉蓬萊

長

向蓬萊雲渺姑射山深有春長好香滿枝南笑
人間驚早試問寒柯鏤冰裁玉費化工多少東
閣詩成西湖夢覺幾番清曉 好是羅幃麝溫
屏煥却恨煙村雨愁風惱一一清芬爲東君傾
倒待得明年翠陰青子蔭鳳皇池沼更把陽和

介菴詞

汲古閣

從頭付與繁花芳草

滿江紅

茶蘼

千種繁春春已去
翩然無迹誰信道
茶蘼枝上
靜中收得曉鏡洗粧
非粉白
晚衣弄舞餘衫碧
粲寶鈿珠珥不勝持
濃陰夕
金翦度還堪惜
霜蝶睡無從覓
知多少
清夢釀成冰骨
天女散
花無酒聖仙人種
玉慚香德
悵攀條
記得鬢絲
青東風客

又

錢前政盧光祖赴

揚州幕席上作

津鼓鼕鼕三老醉知誰留得都不記琵琶洲畔
草青江碧桃李春風吹不斷煙霞秋興清無極
悵樽前桂子有餘香曾相識 殘雨晝初涼夕
高燭爛新醅白長歌斷歡意不如愁色父老能
尋循吏傳關河暫枉諸侯客待日邊一紙詔黃
飛勝相憶

又

汪秘監
席上作

介菴詞

二

汲古閣

賜被薰爐曾同見官槐重綠時
歸看綺疏疊嶂楚腰翻曲君過
蓬山輕歲月我懷廬阜分符竹
道別離待得再歸來人應俗
春欲動醅初熟追一笑森三玉
且相對青眼共裁紅燭小語人
家閑意態淺寒都下新裝束
念平生和雨醉東風從今足

水調歌頭

秀州坐
上作

秋色忽如許風露皎如空
平生青鬢餘地老與

故人同憶得鱸魚來後雜以洞庭新橋月墮酒
盃中賓客可人意歌舞轉春風 坐間玉花底
扇又從容從容更好無奈多病已衰翁賴有主
人風味識我少年狂態乞與酒顏紅一醉曉鴉
起流水任西東

又為壽

淦水定何許樓外滿晴嵐落霞蜚鳥無際新酒
爲誰甘聞道居鄰玉筍下有芝田琳苑光景照

江南已轉丹砂九應降素雲三
憶疇昔翻舞袖縱劇談玉壺傾倒香霧黃菊釀紅柑好在當時明月只有爐熏一縷緘寄可同參賸肯南遊不蓬海試窮探

瑞鶴仙

爲壽

記河梁折柳問画堂樂事燕鴻難偶十年謾回首但亭亭紫蓋差差南斗傳聞小有種桃花親煩素手怪歸來道骨仙風縹緲迥然非舊清

畫江南如畫紫菊冬前翠橙霜後扁舟渡口佳
客至奉名酒喚青鸞起舞雲窗月檻一曲山明
水秀笑相看玉海別來淡如故否

又

儀交代沈公雅臺山
寺作繼作朝中措

攬垂楊細折有別情遺愛與君都說文茵帶瑯
輒是行春來處去年阡陌柔桑半葉轉風光輕
颺秀麥正人家共約耕相借牛社相留客清
絕溪山猶記脫帽吟風倚樓招月東君何事將

春至放春歇道從今江上一花一柳皆想油幢
瑞節縱離愁瘦減腰圍帶金正躡

朝中措

山礬風味更梨花清白競春華試問西園清夜
何如山崦人家 楚東千嶂吳江一棹雲路非
賒惟有相思兩地可憐淡月朝霞

又

燒燈已過禁煙前春信遞相傳柳暗乍迷津霧

花暄欲照江天 天涯賓主相逢老矣一笑歡
然晚歲許同廬社西風不買吳船

又

東風亭
初成

長松擎月與天通霜葉亂驚鴻露炯乍疑盃盞
雲生似覺衣重 江南勝處青環楚嶂紅半溪
楓倦客會應歸去一亭長枕寒空

又

幾枝筇竹半煙雲鐘鼓醉中聞千點好山餘思

介菴語

五

汲古閣

一灣流水能分 多情皓月栖輪
夜午光動風
文看取清閒賓主猶勝富貴封君

又

路彥豐
生日

新涼溪閣算山重水月共空濛
九轉不須塵外
三峯只在壺中 他年盛業雲間
可望林下難
逢記取薌林岩洞何如干越秋風

又

西城煙霧一重重
瀟灑便秋風
巧妒玉人裝髻

無如禁鑰難通 新聲窈眇怨傳楚些嬌竝吳
宮夜久三星爲祭皓蛾寧爲君容

新荷葉

欲暑還涼如春有意重歸春若歸來任他鶯老
花飛輕雷澹雨似晚風欺得單衣簷聲驚醉起
來新綠成圍 回首分攜光風冉冉菲菲曾幾
何時故山疑夢還非鳴琴再撫將清恨都入金
徽永懷橋下繫船溪柳依依

又

雨細梅黃去年雙燕還歸多少繁紅盡隨蝶舞
蜂飛陰濃綠暗正麥秋猶衣羅衣香凝沉水雅
宜簾幙重幃繡扇仍攜花枝塵染芳菲遙想
當時故交往往人非天涯再見悅情話景仰清
徽可人懷抱晚期蓮社相依

又

秀州作

玉井冰壺人間有此清秋笑語雍容令從庭戶

初修迎風待月香凝處四捲簾鈎月波奇觀未
饒當日南樓聞說三吳江湖從古風流況有
雙轡舊譜黃閣青油金甌屢啓應難解久爲人
留天池波濫可憐蘋滿汀洲

看花回

張守
生日

注目正江湖浩蕩煙雲離屬美人衣蘭佩玉澹
秋水凝神陽春翻曲烹鮮坐嘯清淨五千言自
足橫劒氣南斗光中浩然一醉引雙鹿回雁

未歸書未續夢草處舊芳重綠誰憶瀟湘歲晚
爲喚起長風吹飛黃鵠功名異時圯上家傳謝
寵辱待封留拜公堂下授我長生籙

又

爲壽於東岩
道德居士也

愛日報疎梅動意春前呼得画棟曉開壽域度
百和溫馨霜華無力斑衣翠袖人面年年照酒
色環四座璧月瓊枝恍然江縣擬鄉國 聞道
撫東岩舊迹又殊勝謝家清逸知與桃花笑了

定何似青鳥層城消息他年妙高峯上優曇會
堪折擁輕軒未妨遊戲看取朱輪十

芰荷香

席上用韵送程德遠罷金谿

燕初歸正春陰暗淡客意淒迷玉觴無味晚花
雨退凝脂多情細柳對沈腰渾不勝衣垂別袖
忍見離披江南陌上強半紅飛樂事從今一
夢縱錦囊空在金椀誰揮舞裙歌扇故應閒瑣
幽閨練江詩就算檣舟寧不相思腸斷莫訴離

孟青雲路穩白首心期

垂絲釣

干越亭路彥捷置酒同別富南叔

短篷醉艤江南秋意如水露草星明風柳絲委
危檻倚爲故人宴喜 歡無幾念青鞵紫綺論
詩載酒猶勝心記雙鯉倦游晚矣雲路非吾事
湖海從君意沙雁起記夜闌隱几

又

算愁有信全勝春夢無準篆縷欲銷衣粉堪認

殘夢醒枕夜涼滿鬢
想香逕正坐坐美蔭晚
花在否朱闌誰與同凭斷雲怨冷青鳥無憑問
紅葉翻成恨三五近試預占破鏡

謁金門

題扇

朱檻曲粧淺鬢雲吹綠半尺鵝溪涼意足手香
霑柄玉午夢已驚難續說與翠梧脩竹蓬海
路遙天六六祭鸞何處逐

又

介菴詞

九

汲古閣

勞顧由燕貢雅羞衣綠魯酒不能無味足小盃
空薦玉 只願此權常續莫序水邊絲竹明日
朝叅同赴六猶期歸騎逐

又

休相憶 明夜遠如今日樓外綠煙村冪冪花飛
如許急 柳岸晚來船集波底斜陽紅溼送盡
去雲成獨立酒醒愁又入

又

春已半繡綠新紅如換燕子還來簾幙畔閒愁
天不管翠被曲屏香滿花葉彩牋人遠鵲喜
蛛絲都未判連環空約腕

又

春不盡處處與情相趁誰道劉郎家恁近一年
花不問雙剪画羅春勝今夜月圓如鏡怎得
酒關心易定試將金液鎮

又

春似繡不是別離時候滴盡黃昏殘刻漏月高
花影晝好在画屏金獸深瑣粉窗蘭牖溪水
南來堪問否幾時離渡口

又

朱戶密鎮鎖一庭春日画幕黃簾芳草碧游蜂
初未識脆管么絃無力青子綠陰如織花滿
深宮無路入舊遊渾記得

又

春意密不受人間風日一曲清歌雲暮碧樽前
今夜識 醉客倦吟無力滯夢停愁相織只道
桃源難再入有人還問得

柳梢青

生日

衰翁自謫堪笑忘了山林閒適一歲花黃一秋
酒綠一番頭白 浮生似醉如客問底事歸來
未得但願長年故人相與春朝秋夕

又

庚寅生日
松山作

介菴詞

十一

汲古閣

卮言日出天上漫試人間無術一笑歸來身如
蟬蛻首如龜縮年年白酒黃花共願我光風
霽月不道道人駸駸老去如何消得

又

醑醑過也醑醑過後無花堪折只有垂楊垂楊
却作絮驚行色海棠半在如無又爭倩薔薇
戀得除是東風隨君歸問玉堂消息

好事近

蔡風亭作

君莫厭江鄉也有茂林脩竹竹外有些亭榭置
酒樽棊局棊神酒聖各成歡歡長更燒燭寄
語故人鵬鷄任傾金圍玉

又

送林
主簿

君到共黃花君去早梅將發君不待梅歸去問
與誰同折白頭潘令一年秋有酒恨無客莫
忘道山堂上話清音風月

又

盧僉判
席上

草草復囟囟相見也還相憶記取夢魂詩思似
水光山色清音堂下一扁舟誰主又誰客休
厭一盃相勸看梅梢將白

又

晚集
後園

尋得一枝春驚動小園花月把酒放歌添燭看
連林爭發從今日日有花開野水釀春碧舊
日愛閒陶令作江南狂客

又

白雲
亭

風露入新亭看盡楚天秋色行到暮霞明處有
金華僊刻孤城喬木墮荒涼白雲帶溪碧喚
取小舟同醉話江湖歸日

又

蠟梅

一種歲前春誰辨額黃腮白風意只吟群木與
此花修別此花佳處似佳人高情帶詩格君
與歲寒相許有芳心難結

又

朱戶閉東風春在小紅纖雪門外未寒猶暝怪
有花堪折 梨花菊蘂不相饒嬌黃帶輕白莫
厭醉歌相惱是中原鄉客

又

日日念江東何有舊人重說二妙一時相遇怪
樽前頭白 山城無物爲君歡薄酒待寒月草
草數歌休笑似主人衰拙

點絳脣

路德友
席上作

山水鄉中豈知還有中原笑醉歌傾倒記得昇
平調 舊日年光試把華燈照心情好有些懷
抱擬向梅花道

又

一點青陽早梅初識春風面暖回瓊管斗自東
方轉 白馬青袍莫作銅駝戀看宮線但長相
見愛日如人願

又

護雨烘晴紫雲縹緲來深院晚寒誰見紅杏梢
頭怨絕代佳人萬里沉香殿光風轉夢餘千
片猶恨相逢淺

又

秋入闌干亭亭波面虹千丈一聲漁唱画箇三
高樣江上風波更泛吳松浪寒潮漲石魚酒
舫漫叟知何向

又題西

隱

好在蒼苔摩挲遺恨風還雨一涼相與片月生
新浦 天外離居爲我蓀橈舉山如許故人來
否歲晚鱸堪煮

秦樓月

詠瑞香

香軟軟小山叢桂烘溫玉烘溫玉酒愁花暗沈
腰如束 煩君剡與陽春曲爲君細拂衾羅馥
衾羅馥一春幽夢與君相續

又

梅綴雪雪綴梅花肌膚愜肌膚愜豐姿濃態瑩
如玉色歲寒期約無相缺祥花不減晴空月
晴空月依前消瘦還共清絕

阮郎歸

歲寒堂下兩株梅商量先後開春前日遶一千
回花來春又來冰可斷玉堪裁寒空無暖埃
爲君翻動臘前醅酒醒香滿懷

又

一春種得牡丹成，
那知君遠行東君也。
自沒心情，
夜來風雨聲。
追間濶數清明，
不應歌渭城。
只愁河畔草青青，
却須離緒生。

又

餘于留
別人家

三年何許競芳辰，
君家千樹春。
如今欲去復還，
巡好花留住人。
紅藥亂綠陰，
勻綵雲新。
又新只因小闕記情親，
動君梁上塵。

減字木蘭花

贈摘
阮者

四絃續續山水依然關塞足天上新聲謫墮人
間得自名清歌宛轉彈向指間依舊見滿眼
春風不覺黃梅細雨中

又

綠陰紅雨暗淡衣裳花下舞花月佳時舞破東
風第幾枝一盃相屬從地樽前三四燭酒盡
花闌京洛風流仔細看

又

一年歌舞還是花黃樽綠處雨橫風多比似年
時恨若何 簾深酒暝細雨斜風渾不管只有
黃花欲近佳人鬢畔鴉

又

送人南浦日日客亭風又雨相見如何梅子枝
頭春已多 眞成別去酒病明朝知幾許淋損
宮袍都是人人醉後嬌

又

分表言 一 十七
屈亭湘浦怨盡朝雲還算雨知是誰何賦得清
愁爾許多 愛來慵去此意平生成浪許著盡
茸袍想見江梅雪後嬌

又

亂雲縈浦做雪不成還是雨知我爲何一笑仍
添一恨多 不須歸去琥珀盃深能幾許草色
如袍記取從今舞處嬌

鵲橋仙

來時夾道紅羅步障已換青絲翠羽春愁元自
逐春來却不肯隨春歸去 千觴美酒十分幽
事歸到只愁風雨憑誰傳語牡丹花爲做取東
君些主

又 正月廿三日
秀野堂作

江梅仙去蠟梅風化只有緗梅呈秀不知春在
阿誰邊試與問青青楊柳 小園幽事中都風
味鬪草分香如舊東風莫謾送扁舟爲管取輕

寒羅袖

又 送路勉道
赴長樂

留花翠幕添香紅袖常恨情長春淺南風吹酒
玉虹翻便忍聽離絃聲斷 棄鸞寶扇凌波微
步好在清池涼館直饒書與荔枝來問纖手誰
傳冰盃

又 紅白二
色蓮

藕花塘上無塵無暑濫濫一池秋韻綠羅寶盞

碧瓊竿翠浪裏亭亭月影
一家姊妹兩般梳
洗濃淡施朱傅粉夜深風露逼人寒問誰在牙
床酒醒

菩薩蠻

同飲晁伯如家席
上和韓无咎韵

雪中梅豔風前竹詩緣漸與情緣熟醉眼眩成
花惱伊生臉霞
巫雲將楚雨只恐翻然去我
有合懽盃爲君聊挽回

又

雨聲不斷坐簷竹清歌喚起清眠熟洞戶有餘
花同傾細細霞酒行如過雨雨盡風吹去吹
去復盈盈一春能幾回

又

繡羅帶上雙鴛帶年年長繫春心在梅子別時
青如今渾已成美人書幅幅中有連環玉不
是只催歸要情無斷時

又

倚闌閒撚生綃扇
新涼庭戶微風轉
疎雨斷簷聲
淡雲開晚晴
蔗漿寒浸齒
枕簟清如水
相憶不勝愁
月來簾上鈎

又集
句

青春背我堂堂去
桃花亂落如紅雨
是妾斷腸時
芳心空自持
相思君助取
脉脉如牛女
天遠莫江遲
今宵歸不歸

蝶戀花

贈別趙邦才席上作

堂外溪橋楊柳畔，滿樹東風更著流鶯喚時節。
清暘寒暎半秦箏，欲妒歌珠貫一寸。離腸無
可斷，舊管新收盡。記雙帷卷，賴得今年春較晚。
送人猶有餘紅亂。

又

雪裏珠衣寒未動，雪後清寒驚損幽帷夢。風撼
海牛簾幕重，画簷冰筋如流汞。一穗香雲佳
客共，溜溜金槽政爾新詞送。酒戲詩鬪忘百中。

燭間有箇人非衆

琴調相思引

臨別餘干
席上作

拂拂輕陰雨麴塵
小庭深幕墮嬌雲
好花無幾
猶是洛陽春
燕語似知懷舊主
水生只解送
行人可堪詩墨和淚漬羅巾

又

曾躡姑蘇城上臺
好山知有好人來
幾回徙倚
月裏草雲開
閑倚和風千步柳
倦臨殘雪一

枝梅暝香高燭翻動道人灰

杏花天

風韶雨潤催花候歎無限年年常有桃蹊杏陌
相期久一爲東君試手 囟囟去邨人信否襟
淚漬粉香依舊單衣煮酒重來後好與看承人
瘦

又

當時衆裏聞新曲拚一醉移舟換燭清波快送

千帆幅十里披煙泛玉 誰知度春寒夜獨常
寄恨花闌漏促西風渡口蓮堪束一枕新涼會
足

浣溪沙

題

冰練新裁月見羞墨花飛作淡雲浮宜歌宜笑
不妨秋 約腕半籠衫草碧洗粧初失黛蛾愁
嫩涼輕暑奈風流

又

介菴詩

二十二

汲古閣

過雨園林綠漸濃
晚霞明處暮雲重
小橋東畔再相逢
睡起未添雙鬢綠
汗融微退小粧紅
幾多心事不言中

又

菊已開時梅未通
似寒如煖意融融
情親語妙一盃中
歌舞欲來須更理
林泉有樂政須同
好詩多味酒無功

又

渺渺東風泛酒船
月華爲地酒爲川
春于紅藥更留連
雲路功名方步步
草廬松竹自年年
他時人說二疎賢

又

花下憑看月下迎
避人私語臉霞生
画堂紅燭意盈盈
病酒一春愁與睡
倚闌終日雨還晴
強移心緒作清明

又

辛卯會黃運
屬席上作

介菴詞

二十一

汲古閣

人意歌聲欲度春春容溫煖勝於人勸君一醉
酒如澗梅子枝頭應有恨柳花風底不堪嚔
蓋公堂下淨無塵

虞美人

九月飲藥
臥亭故基

煙空磴盡長松語佳處遺基古道入藥月又藥
風未用秋衣沉水換熏籠兩峯千澗依稀是
想像詩翁醉莫驚青蕊後時開笑倒江南陶令
未歸來

又

凌虛風馬來無迹水淨山光出松間孤鶴睡殘
更喚起緜簫飛去與雲平新亭聊共豐年悅
一醉中秋月江山擬作畫圖臨樂府翻成終勝
寫無聲

又

罷官嘉禾張忠甫
諸公置酒舟中作

蘭畦梅迳香雲繞長恨相從少相從雖少却情
親不道相從頻後是行人行人未去猶清瘦

介菴語

二十四

汲古閣

想見相分後書來梅子定嘗新記取江東日暮
雨還雲

南鄉子

同韓子東飲
汪德召新樓

風露晚珊珊洛下湘中接珮環急把一盃相勞
苦雲端只恐冰肌亦自寒二客共闌干湫湫
鯨波吸未乾待得月華移十丈窳穰更上層樓
極處看

又

濃綠暗芳洲春事都隨芍藥休風雨只貪梅子
熟颼颼却送行人一夜秋 新月幸如鉤二五
還催玉鑑浮一段離愁溪樣遠悠悠只是溪流
淺似愁

又

集句

窗戶映朝光花氣渾如百和香卽遣花飛深造
次茫茫曲渚飄成錦一張 相憶莫相忘並蒂
芙蓉本自雙草色連雲人去住堪傷海上尖峯

似劔鉞

画堂春

飲趙淵卿
容光堂

倡條繁帶綠層層解衫扶醉同登
暝雲無樹亦
峻嶒紅袖深憑
病思去春饒睡
醉魂因酒息
冰夜涼星斗挂修斲歌盡香凝

又

滿城風雨近重陽
夾衫清潤生香
好辭賡盡楚
天長喚得花黃
客勝不知門陋
酒新如趁春

狂故人相見等相忘一語千觴

滴滴金

送路彥提
赴儀真

澄溪暝度輕澌白對平湖澹煙隔我與征鴻共
行人更張燈留客東園半是餘花迹料仙帆
到時發若倚江樓望清淮爲慙勤鄉國

青玉案

贈勉道
琵琶人

當年萬里龍沙路載多少離愁去冷壓層簾雲
不度芙蓉雙帶坐楊嬌髻絃索初調處花凝

玉立東風算曾記江邊麗人句異縣相逢能幾
許多情誰料琵琶洲畔同醉清明雨

沙塞子

春水綠波南浦漸理棹行人欲去黯消魂柳上
輕煙花梢微雨長亭放棹無計住但芳草迷
人去路忍回頭斷雲殘日長安何處

臨江仙

和洪景廬
送行前

憶著舊山歸去樂松筠歲晚參天老來慵似柳

三眠從教官府冷甘作地行仙
青瑣紫微追
昨夢扁舟已具猶憐有情如酒月如川爲君忘
飲病更擬索茶煎

又

席上次
元明韻

潦水似譏酒淺秋雲如妬蟾
幽人聞雁若聞鶯更長端有意菊晚近無情
詩學笑中偷換
燭花醉裏頻傾羅衣迴立可憐生五湖雖好在
客意欲登瀛

介菴詞

二十七

潦古閣

鷓鴣天

白鷺亭作

天外秋雲四散飛，波間風艇一時歸。他年淮水東邊月，猶爲登臨替落暉。誇客勝，數星稀。晚寒拂拂動秋衣。酒行不盡清光意，輸與漁舟睡釣磯。

又

送王潛侍郎奏事

渺渺東風拂画舫，不堪臨雨落花前。清歌只擬留春住，好語頻聞有詔傳。秦望月，鏡湖天。養

成英氣自當年兩山總是經行處獻納雍容定
幾篇

又

爲韓漕
无外壽

憶醉君家倚翠屏年年相喜鬢毛青誰知緩步
從天下猶許清彈此地聽揮羽扇寫鵝經使
星何似老人星幾時一試薰風手今日桐陰又
滿庭

清平樂

建安後
舟作

新寒一段變盡人間
暝說與群花花不管
只有江梅情亂
江梅也似山人
人到老梅親斗
擻衣冠氣象百般
歸去精神

又

席上贈人。
花菴作閨思。

桃根桃葉一樹芳
相接春到江南
三二月迷損
東家蝴蝶
慇懃踏取青陽
風前花正低昂
與我同心
支子報君
百結丁香

眼兒媚

建安作

儂家風物似山家
梅老鬢絲華幾回
記得攀翻琪樹醉
帽欹斜
冷香不斷春千里
歸路本非賒
有人卻道使君猶健
看徧餘花

永遇樂

陪程金谿躍馬用其韵

杜曲桑麻灞橋風雪
歸夢無路馬健凌秋
人間玩日聊用寬遲
算搖搖羽扇翩翩
鳧舄勝處恍疑仙
去笑相看風林露草
古來有誰知趣
黃公墟下山陰亭畔
歲月著鞭如鷲出塞
功名入

關游說紙上俱難據論詩說劔尊前風味天巧
却容人覷問少陵酣歌拓戟爲誰獻賦

訴衷情

雨中會飲賞
梅燒燭花抄

洗粧傲舞傍清樽霏雨澹黃昏慙勤與花爲地
燒燭助微溫松半嶺竹當門意如村明朝酒
醒桃李縵山心事誰論

又

江梅初試兩三花人意竟年華春工未敢輕放

深院擁吳娃
翻酒戲醉人家
舊生涯而今且
趁便面斜陽
莫照紅紗

千秋歲

杏花風下
獨立春寒
夜微雨度
疎星挂暉暉濃
豔出嫋嫋
繁枝亞朱檻
倚輕羅
醉裏添還卸
寂莫情猶乍
悵望驟鸞
駕衣褪玉香欺
麝一花
拚一醉
盃重憑誰把
春去也
重簾翠幙人如畫

風入松

杏花

傳聞天上有星榆歷歷誰居淡煙算擁紅雲暝
春寒乍有還無作態似深仍淺多情要密還疎
移樽環坐足相娛醉影憑扶江南歸到雖憐
晚猶勝不見踟躇儘拚綠陰青子憑肩攜手如
初

茶瓶兒

元上

澹月華燈春夜送東風柳煙梅麝寶釵宮髻連
嬌馬似記得帝鄉游冶
悅親戚之情話況溪

山坐中如画凌波微步人歸也看酒醒鳳鸞誰
跨

祝英臺近

春恨

獸金寒簾玉潤梅雪印苔絮春意如人易散苦
難聚幾多絲竹深情池塘幽夢猶倚賴與春同
住 舊游處誰喚別浦仙帆風前問征路煙雨
連江吹恨正無數莫教紫燕歸來彩雲開後空
悵望主人輕去

五綵結同心

爲端卿詩

人間塵斷雨外風
回涼波自泛仙槎
非郭還非壑
閑鶯燕時傍笑
語清佳
銅壺花漏長如線
金鋪碎香煥
簷牙誰知道
東園五畝種成國
豔葩
主人漢家龍種
正翩翩迴立
雪紵烏紗歌
舞承平舊圍
紅袖詩興自寫
春華未知三斗
朝天去定
何以鴻寶丹砂
且一醉朱顏
相慶共看

玉井浮花

瑞鷓鴣

爲嬌壽

芙蓉池館一重重
留得黃花壽筵中
春到小春如有信
日臨良月正相同
芝蘭美應瑤堦瑞
蘋藻香吹翠沼風
此夜隔牆聞鳳管
人間元自勝蟾宮

月中桂

送杜仲微赴闕

露醕無情送長歌
未終已醉離別何如
算雨釀一襟涼潤來
留佳客好山侵座碧
勝昨夜疎星

淡月君欲翩然去人間底許負嶠問帆席
詩
情病非疇昔賴親朋對影且慰良夕風流雨散
定幾回腸斷能禁頭白爲君煩素手薦碧藕輕
絲細雪去去江南路猶應水雲秋共色

滿庭芳

道中憶錢
塘舊遊

雲暝萍漪雨香蘭逕西湖二月初時兩山十里
錦繡照金鬕柳外闌干相望弄東風倚遍斜暉
朋遊好亂紅堆裏一飲百篇詩
三年江上夢

青衫風日白紵塵泥聽幾聲黃鳥粵樹閩溪長
是春朝多病今年更添得相思須歸去倦遊滋
味猶有个人知

水龍吟

春溪漠漠如空望中只與新愁去何知尚有煙
間餘怨洛津閑賦已瘦難豐久離重見好春如
許念海棠未老荼蘼欲吐且莫恨風嫌雨休
問無情水驛載幽懷小橈輕艣君看睡起平堦

柳絮入門花霧才盡無奇客殘如婦一樽誰舉
悵行雲斷後祇應夢裏有澄江句

如夢令

花 醉

鴛瓦初凝霜粟冰筍旋裁春玉巧思化東風喚
省蕊紅枝綠清淑清淑會有蜂棲蝶宿

又

嫩柳眉梢輕感細草煙凝堪掬爭似小桃穠酒
入香肌紅玉清馥清馥不覺花闌漏促

蕊珠閑

浦雲融梅風斷碧水無情輕度有嬌黃上林梢
向春欲舞綠煙迷晝淺寒欺算不勝小樓凝佇
倦游處故人相見易阻花事從今堪數片帆
無恙好在一篙新雨醉袍宮錦画羅金縷莫教
恨傳幽句

念奴嬌

雨斜風橫正詩人閑倦淮山清絕彈壓秋光江

萬頃只欠凌波羅襪好事幽人
憐予止酒著意
溫瓊雪翠帷低卷怪來飛墮
初月涼夜華宇
無塵舞裙香漸暝錦茵聲闕
不分金蓮隨步步
誰遣芙蓉爭發懶得高情
湘歌洛賦稱作西風
客爲君留住不然飄去雲闕

憶少年

逢春如酒逢花如露
逢人如玉東風送寒去
蔚
溫溫香縠海上三山元似粟
試招來共藏金

坐與君醉千歲看人間新綠

思佳客令

天似水秋到芙蓉如亂綺
芙蓉意與黃花倚
歷歷黃花矜酒美
清露委山間有箇閒人喜

惜分飛

送江鳴玉
婦烏整

相與十年親且舊
一笑天涯攜手霜際寒雲逗
去年情味君思否
遠水無情冰不就好在尊
前眉岫腸斷東南秀
淡煙疎月極時候

絳都春

別張子儀

平生相遇算未有笑語關山佳處舊日文章如
今風味渾如許眼前都是蓬萊路但莫道有人
曾住異時天上種種風流待君如故 此自君
家舊物看九萬清風爲君掀舉舉上青雲却憶
梅花如舊否故人衰病今無緒只種得梅花盈
圃待君一過山家共斟露醕

小重山

春日歸來如許長不知償此意幾何
觴老人臨酒興猶狂溪山主終不道
山王一雨罷耕桑平生懽喜處是吾鄉
與君花底共風光春莫笑花不似人香

隔浦蓮

西風吹斷蘿草來度芙蓉老座上人誰在
晨參疎影相照幽館寒意早簷聲小
□□□醉語秋屏曉相攜勝處黃花香滿
烏帽如今將見壁

介菴詞

三十一

汲古閣

月瓊枝空好準擬新歌待見了不道些兒心事
還惱

賀聖朝

一江風月同君住了不知秋去賞心亭下過帆
如馬墮楓如雨相將莫問興亡事舉離觴誰
訴垂楊指點但歸來有溫柔佳處

念奴嬌

建安錢交
代沈公雅

棠陰綠遍正金菊芙蓉爭放時節滿路歌謠民

五袴底事逢車催發結綵成門攀轅臥轍何計
留連得故園花柳盡成顛顛難說 今夜祖席
鄧亭主人來日已是朝天客旌旆囟囟從此去
□賞□湖風月眷戀無因笑啼不敢那忍傷輕
別瀛洲難駐一盃聊送行色

點絳脣

途中逢
管倅

顛顛天涯故人相遇情如故別離何遽忍唱陽
關句 我是行人更送行人去愁無據寒蟬鳴

處回首斜陽暮

轉調踏莎行

路宜人
生日

宿雨纔收餘寒尙力牡丹將綻也近寒食人間
好景算仙家也惜因循盡掃斷蓬萊跡 舊日
天涯如今咫尺一月五番口共懽集些兒壽酒
且莫留半滴一百二十箇好生日

瑞鶴仙

氣佳哉壽域正曉松呈翠早梅施白良辰值良

月看景星朝覩洗空霜潔珍圖瑞牒仰天心鍾
在俊傑向人間化作如膏甘雨莫放春歇 堪
憶三吳樂事画戟凝香舞衣回雪風流勝絕樽
中酒坐中客問今年何事騎鯨南去久矣湘楓
下葉早歸來應取千齡鳳池舊列

看花回

端有恨留春無計花飛何速檻外青青翠竹鎮
高節凌雲清陰常足春寒風袂帶雨穿窗如利

鏃催處處燕巧鶯慵幾聲鈎駟叫雲木
看波面垂楊蘸綠最好是風流煙沐陰重熏簾未捲
正泛乳新芽香飄清馥新詩惠我開卷醒然欣
再讀嘆詞章過人華麗擲地勝如金玉

好事近

一沮寄江千十載山青水碧山水大無餘意有
故情難識故情難識有誰知衣殘更頭白別
後是人安穩只楚吳行客

賀聖朝

河陽桃李開無數待成春歸去小園幾月忽驚
飛恨主人難駐 雛鶯乳燕愁悲語道留君不
住願君隨處作東風與群花爲主

浣溪沙

張宜興
生日

花縣雙鳧縹緲仙家庭椿樹正蒼然斑衣舉酒
大人前 嫋嫋涼風供扇枕悠悠飛露溼叢萱
醉扶黃髮弄曾玄

又

水到桐江鏡樣清有人還似水清明樽前無語
更盈盈翠袖舞衫何日了白頭歸去幾時成
老來猶有惜花情

菩薩蠻

佩環解處粧初了翠娥玉面金鈿小萼綠本仙
家天香誰似他芳心真耐久度月長相守歲
晚未能忘相期雲水鄉

眼兒媚

王漕赴介菴賞梅

黃昏小宴史君家
梅粉試春華
暗香素蕊橫枝
疎影月淡風斜
更燒紅燭枝頭掛
粉蠟鬪香
奢元宵近也
小園先試火樹銀花

江城子

上張帥

春風旗鼓石頭城
急麾兵斬長鯨
緩帶輕裘
乘勝討蠻荆
螳聚蜂屯三十萬
爭面縛
向行營
舳艫千里大江橫
凱歌聲
犬羊驚
尊俎風流談

介菴詞

四十一

汲古閣

笑酒徐傾北望旄頭今已滅河漢淡兩台星

西江月

爲壽

搗玉揚珠萬戶
顰眉高髻千峰
佳辰請壽黑頭
公老稚扶攜歡動
借問優游黃綺
何如強健
夔龍觥船一棹
百分空澆潑胸中
雲夢

千秋歲

外姑生日

柏舟高躅晚歲宜遐福門戶壯疎湯沐青袍圍
白髮瑞錦纏犀軸仙桂長交柯却映蟠桃熟

縹緲長生曲入破笙簫逐香霧薄菲華屋玉鈎
涼月挂水麝秋蕖馥千萬壽酒中倒臥南山綠

虞美人

斷蟬高柳斜陽處池閣絲絲雨綠檀珍簾卷猩
紅屈曲杏花蝴蝶小屏風春山疊疊秋波慢
收拾殘針綫又成嬌困倚檀郎無事更拋蓮子
打鴛鴦

又

劉帥
生日

疎梅淡月年年好
春意今年早
迎長時節近
佳辰看取衮衣黃
髮画麒麟
酒中倒臥南山綠
起舞人如玉
風流椿樹可
怜生長與柳枝
桃葉共青青

瑞鷓鴣

榴花五月眼邊明
角簾流水午夢清
江上扁舟
停画槳
雲間一笑濯塵纓
主人盃酒留連意
倦客關河去住情
都付郵亭
今日水伴人東去

到江城

豆葉黃

粉牆丹柱柳絲中
簾箔輕明花影重
午醉醒來
一面風綠蔥蔥
幾顆櫻桃葉底紅

念奴嬌

中秋

姮娥萬古算清光
常共山清水綠
我欲蓬萊風
露頂眇視寰瀛
一粟攜手群仙
廣寒遊戲玉砌
琉璃屋
歸來一笑
葛陂還訪騎竹
此夕縱飲

清歡吸寒輝萬丈快如飛瀑傾倒銀河斟斗杓
莫問人間榮辱獨倚闌干浩歌長嘯驚墮雲飛
鵲亂呼蟾兔搗霜爲駐顏玉

水調歌頭

山色望中好□氣□□□連峯疊嶽極目高下
與雲平三洞沉沉何處

玉清洞在
溪水中

隱映一溪煙

樹倒影碧波□喚起驂鸞客丹竈夜光橫□

□捲風□□□□明佳人爲我垂手悽怨理秦

箏千載虹橋新路依約慢
歌舞一醉話浮生
但得樽盈酒莫問世間名

臨江仙

賞芙蓉

十載長安桃李夢年來鏡淨塵空
忽傳綵筆小
牋紅滿懷秋思
傾倒爲芙蓉
莫恨霜濃開較
晚樽前元有春風
酣嬌肯爲別人容
試携銀燭
斜照綠波中

喜遷鶯

卜
卷同

波
百閣

登山臨水正桂嶺瘴開蘋洲風起玄鶴高翔蒼
鷹遠擊白鷺欲飛還止江上澄波似練沙際行
人如蟻目斷處見遙峯感翠殘霞浮綺 千里
關塞遠雁陣不來猶把闌干倚數疊悲笳一行
征旆城郭幾番成毀白塔前朝寢陵青嶂故都
營壘念往事但寒煙滿目秋蟬盈耳

鷓鴣天

羊城舊名京口天下最號都會風
軒月館豔姬角妓倍於他人以

群仙目之因列十
名於後各賦一闋

蕭秀

有女青春正及笄
葑宮仙子下瑤池
簫吹弄玉登樓月
絃撥昭君未嫁時
雲體態柳腰肢綺
羅活計強偃隨天教
謫入群花苑
占得東風第一枝

蕭瑩

花動儀容玉潤顏
溫柔嫋娜趣幽閑
盈盈醉眼橫秋水
淡淡蛾眉抹遠山
膏雨霽曉風寒一

枝紅杏拆朱闌天台迥失劉郎路因憶前緣到
世間

歐懿

月暉金口雲口梳素娥何事下天衢翩翩舞袖
穿花蝶宛轉歌喉貫素珠 簾翡翠枕珊瑚錦
衾冰簟水紋鋪春光九十羊城景百紫千紅總
不如

桑雅

雲暗青絲玉瑩冠笑生百媚入眉端春深芍藥
蘇煙拆秋曉芙蓉破露看星眼俊月眉彎舞
狂花影上欄干醉來直駕僊鸞去不到銀河到
廣寒

劉雅

醉撚花枝舞翠翹十分春色賦妖嬈千金笑裏
爭檀板一搦纖圍間舞腰行也媚坐也嬌乍
離銀闕下青霄檀郎若問芳笄記二月蘇風弄

柳條

歐倩

梅粉新粧間玉容壽陽人在水晶宮浴殘雨洗
梨花白舞轉風搖齒齒紅雲枕席月簾攏金
爐香噴鳳幃中凡材縱有凌雲格肯學文君一
巨蹤

文秀

綽約嬌波二八春幾時飄謫下紅塵桃源寂寂

啼春鳥蓬島沉沉鎖暮雲
丹臉嫩黛眉新肯
將朱粉污天真楊妃不似才卿貌也得君王寵
愛勤

王婉

未有年光好破瓜綠珠嬌小翠鬟丫清肌瑩骨
能香玉豔質英姿解語花
釵插鳳鬢堆鴉舞
腰春柳受風斜有時馬上人爭看擘破紅窗新
絳紗

楊蘭

兩兩青螺縮額傍彩雲齊會下巫陽俱飛蛺蝶
尤相逐並蒂芙蓉本自雙翻綵袖舞霓裳點
風飛絮恣輕狂花神只恐留難住早晚承恩入
未央

吳玉

拂拂深帷起暗塵清歌緩響自回春月和燈市
雲間墮人對梅花雪後新盃掌露舞衣雲酒

慵微覺翠鬟傾洞房不厭陽臺雨乞與游人弄
晚晴

總詠

一簇神仙會見竒謾誇蘇小與西施憐輕鏤月
爲歌扇喜薄裁雲作舞衣牙板脆玉音齊落
霞天外雁行低看看各得風流侶回首蔡鸞舊
路歸

德莊名曜乾漢名友古至報清大矣直竇文閣先

建寧府事府中賜紫金魚袋恩遇甚隆而度
量宏博常戒誦忠之曰謹勿以一魁先置胃
中可掬見其大死亦矣余家燕藏竹庵詞一卷板
甚精良惜未得其全集又有父寶雅詞四卷中
誤入孫夫人咏雪詞又曾見珠玑亦篇六卷章卓次
頻倒舊也頗多不能悉舉至如席上贈人清字亦
昔人稱爲集中之冠及逸古可恨坊本之訛也
也湖南毛晉後